



Inatsisartuni ilaasortaq

Ruth Heilmann

/Maani

Pineqartoq: § 36, imm. 1 naapertorlugu apeqqummut nr. 2010-146-mut akissut

Asasara Ruth Heilmann.

19. juli 2010
Sagsnr. 2010-033809
Dok. Nr. 415925

Aallarniutigalugu apeqqutigisatit pillugit qutsavigissavakkitt:

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

- 1. Aningaasanut inatsimmi sanaartugassanut aningaasaliissuterpassuit pingaartumik Nuummi pilersaarutaasut tamaviisa piviusunngortinneqarnissaat eqqarsaatigalugu Naalakkersuisut qanoq pilersaaruteqarpat?**

AKISSUT: Isumalluutit annikitsut Inatsisartut Aningaasanut Inatsimmi akuerisimasaat, inuiaqatigiinni annertunerpaamik iluanaarutaasinnaanngorlugit aammalu innuttatta amerlanerpaartaat aningaasaliissutinit iluaquserneqarsinnaanngorlugit ingerlatsiviginissaat Naalakkersuisut suliassaraat. Tamanna pissutigalugu suliniutit tamatumunnga naapertuuttunngorlugit tullerriaarneqartarput.

- 2. Nunatsinni sanaartortitsinermik ingerlatsisut nunaqavissut tamakkiisumik atorluarneqarnissaat pilersaarutigineqarpat?**

AKISSUT: Sanaartugassanut neqerooruteqartitsinermi, sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq Naalakkersuisut malittarpaat. Kiisalu ingerlatseqatigiiffik Kalaallit Nunaanni sanaartornermik suliaqartoq annertunerpaatigut aallaviatigut nunatsinni najugaqartuusussaavoq taamatuttaarlu aamma ingerlatseqatigiiffiup ulluinnarni aqutsisui tamaani najugaqartussaallutik.

- 3. Aningaasaliissutaasut tamarmik nunatsinni kaaviiartinnissaannik sanaartornerit ingerlannissaat Naalakkersuisut naatsorsuutigisinnaavaat?**

AKISSUT: Naalakkersuisut apeqqut 2-mut akissut innersuussutigaa, ilassutigalugulu oqaatigisinnaallugu aningaasat ilaat nunanut allanut aniasinnaammata, sanaartornermut atortut ilaat tikisinneqartarnerat pissutigalugu.

- 4. Sanaartornikkut ilinniartitaanerit ataqatigiissaakkamik ingerlanneqalersaarpat, tassani eqqarsaatigalugu sanaartornissamik ingerlatsinissamut praktikertunik tiggummisaqarnissamik piumasaqaatitaqartumik qanoq atsigisumik ingerlatsisoqarniarnersoq.**

AKISSUT: Sanaartornermi ilinniartut sungiusarfissaannik pilersitsinissap pingaaruteqarnera Naalakkersuisut eqqumaffigisorujussuaat. Taamaattumik sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq naapertorlugu Naalakkersuisut sanaartornermi ilinniartoqartarneq pillugu nalunaarusiorput, taannalu malillugu Namminersorlutik Oqartussat tapersiissuteqartarput, tapiissuteqartarput imaluunniit

qularnaveeqquusiissuteqartarput (tassani namminersortut piginneqatigiilluni inissialiortiternerat aamma namminersortut inissialiortiternerat pineqanngilaq). Nalunaarut 1. august 2010-mi atuutilissaaq.

5. Naalackersuisut illoqarfinnik sisamaannarnik ineriartortitsiniarnerat sumit tunngaveqarpa? Tamanna inissianik sanaartugassanik aningaasanut inatsimmi aningaasaliinermi pingaarnerutinneqarluni ersersinneqartoq takuneqarsinnaavoq. Soormi kommunerujussuit pilersinneqareersut aallaavigalugit siamasissumik ineriartortitsinissaq eqqarsaatigalugu aningaasaliissuteqarnissaq pingaartinneqarnerusimangila?

AKISSUT: Naalackersuisunit apeqqut 1-imut akissut innersuussutigineqarpoq, tassami isumalluutit annikitsut, Inatsisartut Aningaasanut Inatsimmi akuerisimasaat, inuiaqatigiinni annertunerpaamik iluanaarutaasinnaanngorlugit aammalu innuttatta amerlanerpaartaat aningaasaliissutinit iluaquserneqarsinnaanngorlugit ingerlatsiviginissaat Naalackersuisut suliassaraat. Tamanna pissutigalugu suliniutit tamatumunnga naapertuuttunngorlugit tullerriaarneqartarput.

Naggasiutitut ilassutigalugu ilisimatitsissutigisinnaavara, Naalackersuisunit kommuninut sisamanut taakkunanilu borgmesterinut oqaloqatiginninneq pitsaasoq ingerlanneqarmat. Naalackersuisut kommunillu ataatsimoorlutik aaqqiissutissanik atasinnaasunik siunissamilu ungasissumi atorsinnaasunik nassaarnissaat pingaaruteqarpoq. Pingaartumik Illuut A/S-ip suliai eqqarsaatigalugit pitsaasumik oqaloqatigiinnissaq pingaaruteqarpoq, suliat taakku realkredittimit taarsigassarsititsisarneq, illoqarfinnut annernut sisamanut taamaallaat atuutsinneqartoq iluaqutigalugit ingerlanneqarmata.

Taamatuttaaq assersuutigalugu Maniitsup illoqarfiani aaqqiissutissaq pitsaasoq oqaloqatigiissutigineqarpoq, tassami Qeqqata Kommunianiit ilisimatitsissutigineqarpoq, Maniitsumi attartortut utoqqaanerusut, pisortat inissiaataanni attartortittakkani najugaqartut arlaqartut, taakkulu inissianut minnerusunut utoqqarnullu najoruminarnerusunut nuunnissartik soqutigigaat. Utoqqaat inissianut allanut utoqqarnullu najoruminarnerusunut nuuttuuppata, inissianik attartortittakkanik nalinginnaasunik pissarsisoqarsinnaalissaaq.

Tamanna tunngavigalugu 2011-mut Aningaasanut Inatsisissatut siunnersuummi Maniitsumi kommunip inissiaataanik attartortittakkanik utoqqarnut najoruminarnerusunik 16-inik sanasoqarnissaa Naalackersuisut kissaatigisaminnut ilannguppaat.

Ikinngutinnersumik inuulluaqqusilluta

Jens B. Frederiksen